

書名 空同先生集六十三卷 嘉靖九年序刊本  
 撰者 明 李夢陽 撰  
 卷 卷二十九  
 內容分類 集-別集-明中葉  
 索書號 倉石:40084  
 編號 4008000

# 卷二十九



空同先生集卷第一

賦一十首

疑賦

思賦

省愆賦

緒寓賦

侯軒子賦

十首

賦

乾  
坤  
高卑易矣  
星辰在  
下江河  
逆矣天  
喬喬天

北郡李夢陽撰

鈍賦

述征賦

宣歸賦

寄兒賦

竹石賦



[彩色首頁1](#)

[東洋文化研究所漢籍目錄 編號: 4008000](#)

[東洋文化研究所漢籍目錄所藏漢籍善本全文影像資料庫 索書號: 倉石:40084](#)

[漢籍善本全文影像資料庫文本空同先生集六十三卷 嘉靖九年序刊本](#)

[版權所有: 東京大學 東洋文化研究所](#)

[使用上的注意事項](#)

空同先生集卷第二十八

空同先生集卷二十九

北郡李夢陽撰

詩 七言律詩七十首

大禮六首

赴郊觀宿

西壇候 駕卽事

桂殿

感述六十四首

秋懷八首

新秋見月

晚晴郊望

曉詣西壇候 駕

扈從耕籍

謁陵

雪後朝天宮

春晴憶湖上

郊行



河發登望

時景

見雲雷垂垂不雨悵然有作

聞旁郡雷雨

盜賊

喜雨命酌

晚晴步園

正德辛未四月十七日簡書始至於時久旱

甘澍隨獲漫爾寫興

旅泊雨夕聞鴈

日照

杪夏急雨江州

繁臺春集

僦居避隘般移之日雨平適至厥時久燥

出郊

探春

野園

冬歸繁臺別業漫興

雪日繁臺院閣酒集

雪後上六

歲暮五首

春暮丁丑年作

夜風堂前冬青架仆折其二榦晚雪驟至

戊寅早春上方寺

無題戲效李義山體

蒔植甫畢風雪遽至漫爾有作

為園

晚秋明遠樓宴集

新年作次喻監察韻

甲申元日試筆東友

九日詣東庄遇水則舟之同黃子符李二生

正月大雨雪遣懷

陶君誇其分司桃花獨樹予往觀之賦此

和君席上海棠賞之二首



庄上看花歸見庭中海棠落英與客同賦

春日過黃公新堂 夏日

陶公過曹濮分司見叢菊蔓草中移之自隨  
有詩傷之豈以為家物耶予覽而和之

正月四日始出赴黃子之宴南隣何儀賓以

美醪助杯即席口占

陶王二君來賞牡丹 冬日學司偶見庭菊

晚秋東庄宴集 二月望留雲閣雨集

海棠爛然要諸君子賞之分韻得壺字二首

雨中海棠 良嶽篇

大禮六首

赴郊觀宿

城邊水色靜春茅苑外鶯啼拂露梢萬戶烟花臨複  
道九天宮殿鎖南郊霓旌夜發清溪繞彩仗晨飛碧  
樹交身到鈞天渾不解坐聞仙樂下雲旂

曉詣西壇候 駕

萬宇沉沉曉漏催九關魚鑰遲明開闐闐鼓角空中  
起片片爐烟霧裏來氣結龍文隨御幄風傳虎旅發  
仙臺叨從百辟觀周典不向秋風數漢才

西壇候 駕即事

太歲宮高接禁墻先農太纛兩相望陰陰背日朱旗  
閃黯黯參天翠柏長別殿爐烟清幄次虛壇草色淨



栗張祠官指點躬耕地田畷行瞻袞鉞光

扈從耕藉

天行近野團龍蓋萬姓環門識袞袍竟畝難寬卿相  
力藉耕無乃聖躬勞侵壇碧草茸茸起去殿紅雲冉  
冉高已忝賜筵思報述卽陳潘賦愧詞曹

桂殿

桂殿芝房曙色通垂垂苑柳綠烟中桑乾斜映千門  
月碣石長吹萬里風已有金吾嚴御陌遙傳玉輅下  
齋宮侍臣鵠立松陰裏時倚紅雲望碧空

謁陵

本朝陵墓傍居庸聞說先皇駐六龍一自玉輿回朔

漠遂令金殿鎖秋峰明裡袞職雖多預備物祠官豈  
盡供報祀獨知今上切每於霜露見愁容

感述四十一首

秋懷八首

龍池放舶他年事坐對南山憶往時紫閣峰如欺太  
白崑吾山自繞皇陂雙洲菡萏秋堪落亂水蒹葭晚  
更悲谷口子真今得否攀雲騎馬任吾之

慶陽亦是先王地城對東山不崖墳白豹寨頭惟皎  
月野狐川北盡黃雲天清障塞收禾黍日落谿山散  
馬群回首可憐鞞鼓急幾時重起郭將軍

宣宗玉殿空山裏野寺霜黃鎖碧梧不見虎賁移大



內尚聞龍舸戲西湖芙蓉斷絕秋江冷環珮淒涼夜  
月孤辛苦調羹三相國十年垂拱一愁無  
苑西遼后洗粧樓檻外芳湖靜不流亂世君臣那在  
眼異時松柏自深愁雕闌玉柱留天女錦石秋花隱  
御舟萬古中華還此地我皇親爲掃神州  
胡奴本意慕華風將校和戎反劇戎遂使至尊臨便  
殿坐憂兵甲不還宮調和幸賴惟三老閱實今看有  
數公聞道健兒多戰死暮雲羌笛滿雲中  
大同宣府羽書同莫道居庸設險功安得昔時白馬  
將橫行早破黑山戎書生誤國空談裏祿食驚心旅  
病中女直外連憂不細急將兵馬備遼東

曾爲轉餉趨榆塞尚憶悲秋淚滿衣沙白凍霜月皎  
皎城孤哀笛鴈飛飛運籌前後無功伐推轂分明有  
是非西國壯丁輸輓盡近邊烟火至今稀  
崑崙北極轉天河獨馬年時向此過溼法西望迷龍  
種突厥南侵牧橐駝黃花古驛風沙起白雪陰山金  
鼓多况是固原新戰鬪居人指點說干戈

雪後朝天宮

馬上城中見雪山白雲蒼霧滿燕關蓬萊只尺無人  
到松柏黃昏有鶴還當日翠華游物外百年金殿鎖  
人間浮塵擾擾江湖遠悵望巖樓不可攀

新秋見月



憶在黃河草堂靜坐臨秋月孤娟娟水門蕭條向蘆  
葦石瀨逶迤回舸舫頻干祿食去多阻遠望江湖情  
可憐傳語魚龍莫浪喜抱珠今夜且須眠

春晴憶湖上

湖上晴烟積雪春柳條湖水接芳新林鶯恰恰稀逢  
侶岸日暉暉低向人汀芷渚蘭暄自碧浴鳧飛鷺晚  
相親弄移白日思漁舸嘯倚青雲愧此身

晚晴郊望

早時鳴雨晚細微忽有返照來荆扉山禽水禽交止  
語桃花梨花相逐飛村村柳條弱欲斷家家麥苗青  
不稀睡起登樓時極目出雲歸岫願何違

郊行

二月梁園獨未歸岸花汀柳各依依且將弱縷牽行  
騎莫厭繁香點客衣蝶暖蜂暄從自得鳥黃沙白爲  
誰飛平生湯有憐芳興未老能令萬事稀

河發登望

七月七日河水發康王城邊秋可憐買魚沽酒此村  
口打鼓鳴鑼何處船白晝蛟龍時一鬪中流日月晚  
雙懸紛紛估客休回首漁子清歌會渺然

時景

梁苑桃花寒復開塞門霜雪鴈飛迴天涯涕淚秋偏  
墮歲暮陰陽老更催無病過年遊五岳不眠終夜望



三台歸鴻漸木終非地濁浪滔天首重回

見雲雷垂垂不雨悵然有作

大梁城東雲出雷振風拖雨故徘徊黃鸝坐樹深無  
語紫燕銜泥阻未迴卽恐孝娥爲早塚不聞神女傍  
陽臺火雲西日垂垂暮屋隙愁看返照來

聞旁郡雷雨

尉氏陳留雷雨深大梁猶繫望霓心當堦螻蟻亦愁  
思對面班鳩空好音河朔樓臺安避暑塞垣金鼓助  
沾襟江籬憔悴黃塵滿寂寞魚龍何處吟

盜賊

勅書新調蜀襄兵漢北關南寇未輕密邇千斤竹杓

嶺不聞滿四石頭城秦州卽易通王貢棧道終難援

漢旌安得較如曹相國務農休甲賀昇平

竹杓山劉  
千斤叛地  
也滿四成  
化間叛賊

喜雨命酌

毒熱兀兀滯梁城不眠聽雨到天明沙田易涸應全  
賴稂莠雖鋤却更生年稔不須防盜賊家貧兼得免  
經營紛披檻竹迎余笑遮莫尊醪起自傾

晚晴步園

覽霽羣芳媚小園步林斜日淨幽軒歸雲過雨時  
濕竝葉牽風對直翻幸有桑麻供暮景苦聞豺虎徧  
中原天開霞石熒熒晚瓦雀林鴉各自喧



正德辛未四月十七日簡書始至於時久旱  
甘澍隨獲漫爾寫興

苦蒸卓午汗交頤昏瞑雨飛如颺絲舟楫自茲杳將  
去波濤滿意復何疑璽書况屬臨門日江漢須看放  
舸時肯信吾遊兼吏隱五峰彭蠡是襟期

旅泊雨夕聞鴈

季秋鄙岍陰陰雨殘葦折荷翻白濤此夜孤舟聞鴈  
語隔雲何處認風毛隨陽定慣湖波險避弋真驚塞  
角高南去北來同一旅世情人事莫蕭騷

日照

日照江煙翠欲重夢迴沙觀始鳴鐘浪於洪郡思洪

子豈合松門有赤松萬事寸心徒計較兩間衰髮且  
從容靜來陡覺忘言好把酒看花意每濃

洪都以洪  
厓名松門

山在新  
建縣

杪夏急雨江州

急雨吞江倒石根吐雲匡岳近城門驚雷不下雙蛟  
鬪孤電能開九疊昏白晝黃濤翻庾閣蒼崖翠水溜  
陶村乘時詫有扶搖力六月東南見化鯤

繁臺春集

小徑綠臺春自花重堤飛閣盡雲沙能將白髮隨流  
葦柰有清壺遣歲華斷塔草垣墉聞寂古城芳岍趨  
欹斜忽驚旅鴈思南北海色邊愁入暮笳



傲居避隘般移之日雨乎適至厥時久燥  
土市子東曹門西衡門之下聊栖栖古堂踈豁還高  
榻故國行藏有杖藜已多佳樹琴書靜復值炎天雷  
雨低幡幡麥秀真堪喜阮籍途窮未足啼

出郊

簡懶經秋此出郊野煙霜日靜衡茅林樾葉盡青猶  
實陂麥苗齊綠自苞堤曲獵狐穿雪窟塔巔彈鶴落  
風巢隨心樂事非難取舉眼平生覺易拋

探春

老去探春每怕遲酒朋棋伴日相追無心柳絮當人  
起有意桃花背馬隨臺榭草蒿離亂後往來絃管古

今悲幽岨尚慮殘梅在玉笛丁寧莫放吹

野園

春來無雨風常顛野園諸花更可憐輕車快馬此何  
日弄藥攀條看遠天撲酒遊絲低細細近人閑蝶過  
娟娟真知白日繩堪繫莫使孤城入暮煙

冬歸繫臺別業湯輿

莽壙孤城此卜居宋臺梁苑獨行予虛名馬愧千金  
後白首螢憐萬卷餘踏麥遽堪寒葉翠看梅無那臘  
花舒相逢莫湯嗔吾放野醉郊吟盡可書

雪日繁臺院閣酒集

臘朝廷向雪邊開倚閣風從萬里回枯樹故當看處



濕飛花偏墮掌中杯山河文物他年賦今古衣冠異  
地材舉目蕭蕭改天色玉梯扶醉更登臺

雪後上方寺集

雪罷園林出碧梧上方樓殿靜虛無日臨墮地水先  
落雲破中天塔自孤爛熳此堂人醉散一雙何處鶴  
來呼邀留更待松門月今夜同君坐玉壺

歲暮五首

萬木蕭蕭俱歲暮踈梅修竹可憐風三河晴雪飛鴻  
裏四海孤城返照中白首園林惟聞寂紫塵車馬自  
開通誰堪物序驚前事况復馮高數廢宮

臨除絃管益紛紛考鼓撞鐘處處聞蜀錦越羅連夜  
製絲蛾花勝逼年分流傳自是豪華地悵望能堪日  
暮雲澤草芊芊已新色鴈南猶起北風群

堂北融泥雲氣生堂南枯樹兩禽鳴水霜眼過風須  
轉歲月心懸老自驚辭臘酒憐此舍餽迎春花欲上  
階明壯圖迴首今遲暮點檢塵埃笑拂纓

嘆往嗟來祗自癡未衰那卽髮如絲同朝鸞鷺雲霄  
隔故國松揪道路疑園草喚愁偏勃勃檻梅偷臘故  
垂垂端居寂寞無雙蒂強食栖遲有一枝

歲當癸酉廬山曲冬盡扁舟記獨棲湖海合冰龍晝  
立谿林壓雪虎時啼陰陽晴晦雙過鳥南北行藏一  
杖藜今日中原對河嶽暮雲回首楚江西



春暮丁丑年作

歲歲花時出醉歸傷心今日復芳菲善開朱杏非雙  
燕懶轉黃鸝只自飛海內詩朋官罷減城中酒伴病  
來稀庭枝爛熳催春暮日午風香獨倚扉

夜風堂前冬青架什折其二榦曉雪驟至

冬青手直年真久冷日寒姿頗映堂追悔木闌晴未  
補忍教風榦夜俱傷亂階朱實離離靜什雪青條蒨  
蒨長翹首高雲憶松柏後凋溪壑轉蒼蒼

戊寅早春上方寺

地闕城空春自幽青松黑塔雲常浮入門鈴磬忽一  
發暇日臺池聊共游連錢沓來誰氏騎白玉競浴何

年鷗醉筆要知吾湯興明朝休用碧紗留

無題戲效李義山體

曾倚清酣奏綵毫象牀冰簟玉樓高徐娘老去風情  
在班女愁來賦興豪秦柳日斜傷渭曲楚蘭春暮怨  
湘臯仙郎寂寞崑崙遠浪說人間有碧桃

時植前畢風雪遽至漫爾有作

草樹新培置藥闌醉吟閒凭足心寬豈虞晨雪娟娟  
布無那春枝颭颭寒猶有一花當坐媚幸留雙柏與  
人看日晴紅綠應全勝為勸先生且放餐

為園

平生走馬呼鷹地白首為園學種瓜碧草故要安石



履青天常滿邵雍車圍闌換土心真苦繞菊依松徑  
不斜昨遇日晴閒自步別蹊桃李又風花

晚秋明遠樓宴集

斜日層城合暮烟新晴高閣敞秋筵衣冠四海追游  
地霜露中原感慨年去鳥來鴻凭檻外飛雲落木把  
杯前回身忽在星辰上醉眼真疑到九天

新年作次喻監察韻

新年雨雪亦太恁十日中無一日晴豈應雷電除夜  
作復爾天鼓東南鳴諸軍幸擣蓮池穴太將宜堅細  
柳營幾欲臨風撫長劍白頭還自笑書生

甲申元日試筆柬友

人生五十驚衰醜五十從今又數三老慢更何防市  
虎少狂曾亦濫朝駢鸞鸞舊侶俱鳴珮鹿豕深山自  
結庵短髮不須憂重白吾居元傍菊花潭

九日詣東庄遇水則舟之同黃子符李二生

出門萬木吟風葉挈友重陽上野舟數月雨陰今白  
日一身天地此清秋逐時庄菊花初放應節村杯酒  
暫酬晚暮更催雙棹返汴州誰信有滄州

正月大雨雪遣懷

梁園春初雲不開雪花壓城滾滾來似有驅龍朝玉  
闕豈無騎鶴下瑤臺光牽五岳黃煙動勢擁三河白  
浪迴欲向瓊樓問寒暖袁安又已卧高萊



陶樾 曹嘉

獨樹紅桃大放花主  
人折贈衆廣誇當庭  
雨夢晴猶濕倚檻風  
枝午更斜賸有琴書  
分秀色豈容蜂蝶乳  
芳華英明海內如君  
少擬報瓊瑤醉紫霞

陶君誇其分司桃花獨樹予往觀之賦此  
老懶今來特為花花奇親見主人誇入門風片時時  
墜近酒春枝故故斜湖海一尊憐舊侶乾坤雙鬢愧  
年華明朝許赴柴門約共醉東園萬樹霞

和君康上海棠賞之二首

老興看花不厭頻折紅攀綠總怡神孤枝解動雙樽  
影數朶能回四座春誰遣物華成歲色自多人世有  
閒身年來斷酒因脾濕為爾還應暫入唇  
餅中海棠亦太劇細小翠擁臙脂深穠姿故薰欲醉  
眼芳信暗傳嘗苦心偶逢一枝已自惜若臨全樹更  
須吟花時不道天無意一日常橫半日陰

庄上看花歸見庭中海棠落英與客同賦

三日野花風打稀朝游酒伴暮醒歸臨門天桃不汝  
惜當院海棠胡自飛已憐錦繡半鋪地更訝芳香時  
點衣便應與君酌明月醉眼天地生光輝

春日過黃公新堂

黃家新堂逼春起紫燕尋巢時自來久陰煙雲眼底  
豁乍晴河嶽窓中開物情野色且幽寂日光人意能  
徘徊持杯布席就芳草醉深同卧林邊苔

夏日

稍喜夏來天日晴遽看諸物盡生成纍纍杏實攢高  
蟻赤赤榴花坐小鶯晝夜寒暄猶混雜乾坤清濁固



分明留宿酒茗吾能供春筍滿林今更生

陶公過曹濮分司見叢菊蔓草中移之自隨  
有詩傷之豈以為家物邪予覽而和之

野館寒芳抱自知好吟公子發秋悲春風世路元桃  
李霜露鄉關有鬢絲三嗅草萊行復立數株車馬載  
還隨東籬可謂君家物竹帛勲名晚節垂

正月四日始出赴黃子之宴南隣何儀賓以

美醪助杯即席口占

杜門常日追游少新歲初筵獨詣君幸有隣家能過  
酒况多賓客善論文樓臺霽日斜含雪竹樹和烟暮  
閣雲入夜不歸雙燭秉近尊猶喜落梅芬

陶王二君來賞牡丹

同城何苦不同懽况復春風到牡丹香滿正宜樽  
問色深番奈近燈看綵雲紅霧晴長擁澹月微霜夜  
故寒任使群芳妬傾國古今須讓百花冠

冬日學司偶見庭菊

凍雨晴霜爾自開偶逢私恨過秋來違時只為含中  
色入藥終須顯上才已許數花卷袖采能分一本向  
籬栽冬巡若憶重看約莫使文輶觸雪迴

晚秋東庄宴集

郊園秋晚只風林冠蓋群遊是盍簪楓葉近尊朝映  
日菊叢淹坐暮橫陰煙霞故引旌旗色鳥雀應疑簫

東庄宴集  
同賦 曹嘉  
菊釀新開承露盤後  
郊出賞盡銀鞍風林  
一葉地逾靜塞鴈雙  
飛天自寬亭榭傍雲  
秋動色旌旗夾水畫  
生寒南州榻寧名今  
古未信風流勝此懼



笛吟月窟金鞍散歸馬野雲回首少微深

二月望留雲閣雨集

今年花朝花爛開春風細雨臨高臺繞闌紅濕舞英  
重隔窓黃閃流鶯迴連日霖霖地已足薄暮風雲天  
更來眼着萬物歛生色爾我胡惜黃金杯

海棠爛然要諸君子賞之分韻得壺字二首

繞樹巡簷興恨孤縵紅繁綠似渠無童知小徑晨先  
掃客有高軒夜特呼已拚落英欺舞袖更堪歌鳥勸  
提壺幸能老去花常健遮莫尊前醉共扶

春深花樹爛糝糊花下朋游酒一壺帽側故舉輕朶  
插席安仍取積英鋪日烘擾擾蜂能趁煙動關關鳥  
更呼客散獨燒高燭照老來真自咲狂夫

雨中海棠

憐花常欲報花安醉眼冥冥雨自看朶朶胭脂深更  
濕杯杯竹葉滿須乾等閒細片休輕落率尔春風且  
恁寒朝爲行雲暮仍雨凌波獨立汝應難

良嶽篇

宋家行殿此山頭千載來人水一丘到眼黃蒿元玉  
砌傷心錦纜有漁舟金縉社稷和戎日花石君臣棄  
國秋澗倚南雲望南土古今龍戰是中州



空同先生集卷第二十九

空同先生集卷第三十

北郡李夢陽撰

詩 七言律詩七十首

遊覽四十二首

潼關

題雲臺觀

榆林城

出塞

武昌

江行

泛湖

南溪秋泛三首

遊西山歸呈熊御史卓

出輝縣城望石門山其上有仙潭玉鯉

盤山道中作

遊上方寺晚登鐘樓